


Sinun lapsen kieli

Lapsi luopi oman kielen perustan kolmen ensi vuen aikana. Net alkavat kehithään kieltä paljon ennen kun het puhuvat. Sulla vanhempänä on sen takia tärkeä tehtävä. Puhu, laula, naura ja lue sinun lapsen kans! Käytä sinun äitinkieltä. Lapsi saattaa oppia monta kieltä samala aikaa.



Bokstart

Kirjastartti on kansallinen satsaus joka koostuu vanhempiin ja raahvoin jokka on pienitten lasten (0–3 vuotta) läheisyysessä. Tarkotus on ette varhain stimyleerata kielikehitystä.
bokstart.se

Se alkaa kielelä

Miksis se on tärkeä ette stimuleerata lapsen kielikehitystä? Koska kieli luopi oppimisen perustan. Ja kieli vahvistaa sinun ja lapsen välistä suhdetta.

Leiki esile kieli

Ennen kun lapsi oppii puhhuun sanoila net puhuvat esimerkiksi tekemällä ääniä, peekkamalla eli kuuntelemalla. Matki lapsen ääniä, vastaa sanoila eli hauskala kasvon mimiikilä.

Puhu siitä mitä tet tehtä

Puhukaa sellaisesta mitä tet tehtä yhdessä, kuin paatata eli ostaa ruokaa kaupassa. Sillon lapsi jo huomaa sitä mitä sie kuvvaat ja sillä on helpompi oppia uusia sanoja.

Anna lapsele uusia sanoja

Toista mitä lapsi sannoo ja lissää muutama sana. Jos lapsi sannoo ”Katto talo” sie saatat sanoa ”Joo, katto mikä suuri keltanen talo”. Käytä uusia sanoja eri yhteyksissä. Sie voit sanoa: ”Nyt met päämä korjata. Stäätaa leeksaakit! Katto, pappa stäätaa. Saataks sie auttaa minua korjaamaan?”

Liiolele

Mielelhään liiolele ruumiskielelä, miinilä ja korostamisella. Sillon tullee lapsele helpompi ymmärtää. Sie saatat näyttää käsilä kuinka suuri joku on. Eli näyttää kuinka se on jos sie palelut kun jotaki on kylmää. Korosta mielelhään tärkeitä ja uusia sanoja. Esimerkiks ”Näeks sie lampun?”

Tällää kysymyksiä

Käytä eri tyyppisiä kysymyksiä. Sie saatat asettaa kysymyksiä kun ”Missäs on klasi?” Sillon lapsi saattaa vastata peekkamalla. Jos lapsi ei vastaa, sie saatat itte vastata – sillon sie näytät kuinka sanoja mennee käyttää.

Sano ”Mie hunteeraan”

Sen eestä kun kysyä ”Onkos hevonen nälässä?” sie saatat sanoa ”Mithään hevonen aikoo tehdä?” Sillä tavala kysymys on avoimpi, ja sie saatat saa lapsen selithään enemmän.



Bokstart